



OSOKO KONTSEILUA  
CONSELL PLENARI  
CONSEIL PLÉNIER  
CONSELH PLENARI  
CONSEJO PLENARIO

## **XLI Conselh Plenari de la CTP Busturia, 27 de novembre de 2023**

La Presidenta de la Region Occitània,  
la Presidenta del Govern de Navarra,  
la Ministra dels Afars Exteriors del Govern d'Andorra, coma Presidenta de l'Organisme andorran de cooperacion transfrontalièra,  
lo President de la Region Nòva Aquitània,  
lo President del Govern d'Aragon,  
lo President de la Generalitat de Catalonha,  
lo President del Govern Basc, aqeste darrièr en exercici de la presidéncia del Consòrci de la Comunitat de Tralalh dels Pirenèus (CTP).

**Amassats en Conselh Plenari lo 27 de novembre de 2023 en BUSTURIA, Bizkaia, declaran:**

Lo Conselh Plenari se felicita pel 40n anniversari de la Comunitat de Tralalh dels Pirenèus (CTP) e sotalinha la siá voluntat d'aprigondir en la cooperacion transfrontalièra al servici de las personas e lors territòris, en jogant la carta de las valors de la coesion sociala e territoriala de l'Union Europèa.

En aqeste anniversari, lo Conselh Plenari vòl remembrar lo tralalh fach per totes e totes lors predecessors, al temps que reconeis lor contribucion al desvolopament de la CTP.

Pendent aquestas quatre decadas, la Comunitat de Tralalh dels Pirenèus a experimentat una evolucion en la collaboracion e a refortit la coesion transfrontalièra dins lo camp de las comunicacions, la durabilitat e lo cambiament climatic, las energias renovelablas, la santat e las emergéncias medicalas, la cultura o la joventut.

Egalament, la CTP s'es assolidada coma referent del programa Interreg-POCTEFA, en avent estat designada pel tresen còp autoritat de gestion per la Comission Europèa. Aqeste programa a permetut desplegar de projectes qu'an contribuït a la coesion del massís pirenenc e del litoral transfrontalièr.

Lo Conselh Plenari exprimís la siá granda preocupacion per las guèrras en Ucraïna e Pròche Orient e per las crisis umanitàrias que se'n derivan, en reclamant lo cessament de totas los confrontacions e lo respècte a la legalitat internacionala.

Egalament, remembra la plena actualitat d'unes autres desfises coma lo cambiament climatic, la tripla transicion climatica, numerica e sociala, e tanben las transformacions qu'entraïnan, que condicionan la vida de la ciutadanetat. En aqueste sens, la CTP e lors membres redoblan lo sieu compromís en aquesta matèria d'accelerar aquestes procèses amb la finalitat de contribuir a la durabilitat dels ecosistèmas e al melhorament de las condicions de vida de las personas.

Lo Conselh Plenari sotalinha l'importància de las prèpas eleccions al Parlament Europèu, en junh de 2024, que marcaràn la direccion politica e l'unitat d'accion de l'Union Europèa per contribuir a despassar aquestas escomesas.

## RESOLUCIONS DE LA COMUNITAT DE TRABALH DELS PIRENÈUS EN LA SIÁ "DECLARACION DE BUSTURIA" EN ESCASENÇA DEL XLI CONSELH PLENARI

### **Lo Conselh Plenari de la CTP:**

- Se regaudís per la signatura del Tractat d'Amistat e Cooperacion entre lo Reialme d'Espanha e la Republica Francesa, soscrich lo 19 de genièr de 2023 en Barcelona, e sollicita la siá rapida implementacion.
- Se congratula mai que mai per la referéncia exprimida a la Cooperacion Transfrontalièra que conten dich tractat e reclama la siá participacion, tant per çò de l'Estrategia de Cooperacion Transfrontalièra coma dins lo Comitè de Cooperacion Frontalièra.
- Concedís una granda importància al Títol VII del Tractat sus Desvolopament Duradís, Energia, Transpòrts, Agricultura e Alimentacion e s'ofrís tornamai als Govèrns espanhòl e francés pr'amor de contribuir mai que mai a las interconnexions ferroviàrias e energeticas.

Vòl far remembrar que l'escomesa de la permeabilitat dels Pirenèus contunha d'èsser una prioritat. Dins aqueste sens, demanda a la Comission Europèa e als estats francés e espanhòl que contunhen de trabalhar de manièra conjoncha en lo desvolopament de las connexions ferroviàrias transfrontalièras al centre del Massís Pirenenc.

Egalament, reclama lo compliment per 2030 dels objectius de la ret basica dels corredors prioritari de la Ret Transeuropèa de Transpòrts (RTE-T) dins l'encastre pirenenc.

- Exprimís lo sieu supòrt a l'emplec e desvolopament de las lengas pirenencas.

- Se felicita pel bon ritme obtingut en las negociacions de l'Acòrd d'Associacion d'Andòrra amb l'Union Europèa, amb la tòca de las conclure jos la presidéncia espanhòla del Conselh de l'UE. Fa fisança a que la determinacion e la bona voluntat de las parts ajan coma consequéncia un Acòrd que los sieus efèctes operaran en benefici de la ciutadanetat d'Andòrra e de l'UE e en definitiva del Massís pireneic.
- Sollicita a l'Union Europèa e als estats de membres de contunhar d'aprigondir e de cercar de consenses per çò del mecanisme europèu de cooperacion transfrontalièra BridgEU, e a contunhar en desvolopament de la siá iniciativa *b-solutions* per resòlver los obstacles legals e administratius.
- Da sosten a l'iniciativa d'Andòrra de començar un dialòg internacional sus la vulnerabilitat dels ecosistèmas de montanha davant del cambiament climatic en la COP28, per una màger importància en l'agenda mondiala de lucha contra lo cambiament climatic.
- Celèbra la dubertura de la majoritat dels passatges frontalièrs barrats en 2021 al long dels Pirenèus, mas reclama la dubertura urgenta d'aqueles que demòran encara barrats. Aqueles barraments, en mai d'alebar la legislacion basica de l'Union Europèa e l'esperit del Tractat de Schengen, perjudicien en particular la ciutadanetat transfrontalièra, agravan lo patiment de personas migrantas e amendrisson la coesion territoriala.
- Mòstra la siá satisfaccion per la signatura del *Compromís per la Promocion de l'Idrogèn Renewable*, previst per crear un ecosistèma pireneic que permete lo desplegament de l'economia de l'idrogèn, per la promocion de la produccion, lo transpòrt, l'emmagazinatge e l'emplec de l'idrogèn renewable, en tot refortir lo posicionament dels territòris per aténher los objectius de descarbonizacion fixats dins las estratègias europèas e estatalas.
- Acuelh de bon grat l'includiment de la part de la Comission Europèa del projècte transfrontalièr PYCASSO sus transpòrt e emmagazinatge de carbòni dins la zòna de Lac, en Nòva Aquitània, coma Projècte d'Interès Comun (PCI), al que la CTP a contribuït de maniera eficaça.
- Aculhís amb satisfaccion l'aviada de la primièra convocacion de projèctes del INTERREG POCTEFA 2021-2027, amb un budget de 95,4 milions d'èuros e la participacion de las Eurorregions e AECT d'aqueste airal, çò que demòstra un desir partejat de trabalhar amassa en benefici d'aqueste territòri, en particular dins lo contèxte de l'objectiu politic 5 del Programa, *Una Euròpa mai prèpa als sieus ciutadans*. La CTP reafirma la siá voluntat de participar activament dins los trabalhs de la Comission Europèa relatius al periòde de programacion pòst 2027 e, en particular, al 8n rapòrt sus la coesion.
- Met en valor l'obtencion del projècte LIFE PYRENEES4CLIMA, dotat amb 20 milions d'èuros, de mai de 7 ans de durada e qu'engatja 55 entitats de totes los territòris

pirenencs. Aqueste projècte plaçarà la CTP-OPCC dins una nòva dimension, en li permetent desplegar una ambiciosa Estrategia Pirenenca de Cambiament Climatic.

- Reitàra lo compromís de la CTP amb las valors que caracterizan la societat civila de l'espaci transfrontalièr, mai que mai las socialas, culturalas e lingüisticas.
- Insistís en lo besonh d'enfortir la cooperacion transfrontalièra pel desenvolopament d'una politica de coesion territoriala en benefici de la ciutadanetat transfrontalièra e per donar responsa a las escomesas de l'actual periòde de transicion energetica, numerica e sociala.

Sr. Iñigo Urkullu Renteria  
President del Govèrn Basc

Sra. Carole Delga  
Presidenta de la Region Occitània

Sra. María Chivite Navascués  
Presidenta del Govèrn de Navarra

Sra. Imma Tor i Faus  
Ministra dels Afars Exteriors del Govèrn d'Andòrra, Presidenta de l'Organisme Andorrà de Cooperació Transfronterera

Sr. Alain Rousset  
President de la Region Nòva-Aquitània

Sr. Jorge Antonio Azcón Navarro  
President del Govèrn d'Aragon

Sr. Pere Aragonès i Garcia  
President de la Generalitat de Catalonha